

植物名實圖考

植物名實圖考卷之二十一

固始吳其濬著

蒙自陸應穀校刊

蔓草

奶樹

尋骨風

鐵掃帚

倒掛藤

六順筋藤

土青木香

內風藤

涼帽纓

白龍鬚

無名一種

刺犁頭

透骨消

酸藤

野苦瓜

野西瓜

鮎魚鬚

鱧魚鬚

金線吊烏龜

金蓮花

小金瓜

馬蹄草

瓜耳草

碧綠藤

金雞腿

血藤

黃鱉藤

白馬骨

錦雞兒

白心皮

無名一種

候風藤

白花藤

洋條藤

拉拉藤

月季

玫瑰

酴醾

佛見笑

黃酴醾

縑絲花

十姊妹

木香

轉子蓮



奶樹

奶樹產南安蔓生四葉攢聚莖端綠苞開紫簫子花如牽牛而短瓣苞下復有青蒂秋結實有子蔓中白汁極濃氣臭根黃白色橫紋如上黨人獲肥圓有瘰癧大如拳廣信土呼山海螺象其根形又名乳夫人氣味甘熱土人採根發乳汁湖南衡山亦有之極易繁衍俚醫呼爲牛附子能壯陽道 按南越筆記有乳藤如懸鉤倒掛葉尖而長斷之有白汁如乳婦人產後以藤搗汁和米作粥食之乳湏自通皆此類也



土青木香

土青木香長沙山坡間有之蔓生細莖葉實皆與馬兜鈴同根黃瘦亦有香氣俚醫以清火毒通滯氣唯開花作簞子形本小末大彎如牛角尖梢上翹紫黑頗濃中露黃蕊與馬兜鈴開花如枸杞者迥別



尋骨風

尋骨風湖南岳州有之蔓生葉如蘿摩柔厚多毛面綠背白秋
結實六棱似使君子色青黑子如豆



本草綱目卷之二十一
木部
內風藤

內風藤生湖南山坡橫根引蔓俱赭色葉如柳葉有光而韌以
沿內風故名



鐵掃帚

鐵掃帚產建昌山中蔓生綠莖柔細糾結葉長幾寸後圓有缺
末尖相距稀闊細根硬鬚赭色稠密俚醫以爲行血通骨節之
藥用根煎酒服



涼帽纓

涼帽纓生南安細莖蔓生葉大如大指圓長有尖淡赭根蓬鬆如纓故名俚醫以治喉痛消腫毒氣味平溫

喉痛一作喉病

倒掛藤

七

蔓草卷之三十三



倒掛藤

本草拾遺倒掛藤味苦無毒主一切老血及產後諸疾結痛血
上欲死煮汁服生深山如懸鉤有逆刺倒掛於樹葉尖而長也
按湖南嶽麓山有藤土名倒掛金鉤形狀正與此合俚醫以
爲散血達表之藥主治亦同



白龍鬚

白龍鬚生長沙山中綠莖細長對葉疎闊葉如子午花葉而尖
瘦細紋無銼齒長根如蜈蚣形四周密鬚如細辛牛膝俚醫以
治痰氣 按宋圖經白前根長於細辛今用蔓生者味苦非真
疑卽此蔓生者

大曠筋藤



大順筋藤

大順筋藤生長沙嶽麓綠莖藉節弱蔓細圓長葉寸許本寬
細近梢長勻出尖面黃綠背青白有直紋數縷葉際出短莖開
五瓣小赭色花一莖一花根鬚繁稠似牛膝而瘦俚醫以治筋
骨通關節



饒州園圃離落間有之蔓生細莖長葉本圓如馬蹄末
尖開五瓣小紫花成簇極似枸杞 按宋圖經云馬兜鈴花如
枸杞今馬兜鈴之名不一凡圓實成串皆名之此豈花如枸杞
之一種耶



刺犁頭

刺犁頭一名蛇不過一名急改索一名退血草江西湖南多有之蔓生細莖微刺茸密莖葉俱似蕎麥開小粉紅花成簇無瓣結碧實有棧不甚圓每分杈處有圓葉一片似蓼江西刺船者多蓄之以爲浴湯云暑月無瘡痂湖南俚醫以爲行血氣治淋濁之藥按宋圖經成德軍所產葦薺葉似蕎麥子三稜殆卽此草其主治去濕通利亦與葦薺相近



透骨消

透骨消產南安形狀俱同赤地利唯赤莖爲異俚醫以治損傷
活血止痛通關節蓋一種也 按李時珍以五毒草赤地利併
爲一條但蔓草似蕎麥者亦非一類色味旣別稱名互異其外
科數說大畧相通若入飲劑則經絡須分故並存以俟詳考

酸藤

三

蔓草卷之二十一



酸藤

酸藤產建昌蔓生綠莖赤節參差生葉葉圓有缺末尖鋸齒深刻對葉發短枝開小白花如粟結實大於龍葵生青碧熟深紫土人以洗瘡毒



野苦瓜

二

蔓草卷之二十一



野苦瓜

野苦瓜產建昌蔓生細莖一葉一鬚葉作三角有疎齒微似苦
瓜葉無花杈就莖發小枝結青實有汁大如衣扣故又名扣子
草俚醫以治魚口便毒爲洗藥



野西瓜

野西瓜贛南山坡中有之蔓延林薄細莖長鬚葉作五叉似西瓜絲瓜葉大者可寸許秋結青白實宛如蓮子捻之中斷內有清汁俚醫以治火瘡取漿收貯敷用




鮎魚鬚

救荒本草鮎魚鬚一名龍鬚菜生鄭州賈峪山及新鄭山野中亦有之初生發筍其後延蔓生莖發葉每葉間皆分出一小叉及出一絲蔓葉似土茜葉而大又似金剛刺葉亦似牛尾菜葉不澀而光澤味甘採嫩筍葉煤熟油鹽調食 按簡易草藥金崗藤本名鮎魚鬚溫平無毒可做小菜喫能通筋血去死血消腫痛又湖北志鱧魚鬚藤本初生茁土中色紫巔拳曲若魚鬚炒肉殊妙



鯁魚鬚

鯁魚鬚生建昌蔓生有節葉如竹葉紫根多鬚土醫以治熱結
魚鬚以蔓名此以根名



金線弔烏龜

金線弔烏龜江西湖南皆有之一名山烏龜蔓生細藤微赤葉如小荷葉而後半不圓末有微尖長梗在葉中似金蓮花葉附莖開細紅白花結長圓實如豆成簇生青熟紅黃色根大如拳按陳藏器云又一種似荷葉只大如錢許亦呼爲千金藤當卽是此患齒痛者切其根貼齦上卽愈兼能補腎養陰爲俚醫要藥

金蓮花



金蓮花

金蓮花直隸圖中有之蔓生綠莖脆嫩圓葉如荷大如荇葉開
五瓣紅花長鬚茸茸花足有短柄橫翹如鳥尾京師俗呼大紅
鳥山西五臺尤多以爲佛地靈葩性寒或乾其花入茶甌中插
枝卽生不喜驕陽山西通志金蓮花一名金芙蓉一名旱地蓮
出清涼山金世宗嘗幸金蓮川周伯琦紀行詩跋金蓮川草多
異花有名金蓮花者似荷而黃卽此種也

小金瓜


子

蔓草卷之三十一




小金瓜

小金瓜長沙圃中多植之蔓生葉似苦瓜而小亦小花秋結實如金瓜累累成簇如雞心柿而更小亦不正圓寧鄉縣志作喜報三元從俗也或云番椒屬其青脆時以鹽醋燭之可食大抵以供几案賞其紅潤然不過三五日卽腐



馬蹄草

馬蹄草江西湖南皆有之綠莖細弱蔓生對葉葉大於錢末微尖後缺如馬蹄圓齒光潤莖近土卽生鬚俚醫以爲跌打損傷要藥雖傷重搗敷卽愈故又名透骨消



瓜耳草

瓜耳草江西山坡有之赭莖長條挺立不附莖傍發枝排生圓葉微似豆葉厚綠茸茸中有白紋一線土人以治跌打酒煎服但未數見不得確名



碧綠藤

碧綠藤江西廣饒山坡有之莖葉碧綠一色枝頭葉稍長餘葉
正圓面綠背淡疎紋細齒土人以藤煎水洗紅腫有效按南
城縣志有銅錢樹葉圓如錢此殆肖之

金雞腿

三

蔓草卷之二十一



金雞腿

金雞腿產建昌一名日日新叢生長條糾結交互似月季花莖而無刺葉亦相類微小俚醫以爲壯精行血之藥

血藤

三

蔓草卷之二十一



血藤

血藤產九江山坡蔓生勁莖赭色一枝一鬚附枝生葉如菊花
葉柔厚有花叉而末不尖面綠背白春時枝梢開花如簇金粟
與千年健同名血藤



黃鱔藤

黃鱔藤產寧都長莖黑褐色根紋斑駁起粟黑黃如鱔魚形故名葉如薄荷無鋸齒而勁主治漂蛇毒



白馬骨

本草拾遺白馬骨無莠主惡瘡和黃連細辛白調牛膝雞桑皮黃荊等燒末淋汁取治療癰惡瘡蝕息肉白癰風指破塗之又單取莖葉煮汁服止水痢生江東似石榴而短小對節 按白馬骨本草綱目入於有名未用今建昌土醫以治熱證瘡痔婦人白帶余取視之卽六月雪小葉白花矮科木莖與拾遺所述形狀頗肖蓋一草也寧鄉縣志六月雪俗呼路邊金生原隰間夏開白花節可治小兒驚風腹痛枝燒灰可點翳根煮雞子可治齒痛花鏡六月雪六月開細白花樹最小而枝葉扶疎大有

逸致可作盆玩喜清陰畏太陽深山叢木之下多有之春間分
種或黃梅雨時扦插宜澆淺茶其性喜陰故所主皆熱證寧都
州志疑卽圖經曲節草一名六月霜與圖形殊不類

錦雞兒

三

蔓草卷之三



錦雞兒

救荒本草壩齒花本名錦雞兒又名醬瓣子生山野間中州人家園宅間亦多栽葉似枸杞子葉而小每四葉攢生一處枝梗亦似枸杞有小刺開黃花狀類雞形結小角兒味甜採花燂熟油鹽調食炒熟喫茶亦可 按此草江西湖南多有之摘其花

炒雞蛋色味皆美云或呼黃雀花俚醫以爲滋陰補陽之藥花

蒸雞蛋治頭痛根去皮煮豬心治癆證

滇南本草金雀花味甜性溫主補氣補血勞傷

長涼發熱勞熱咳嗽婦人白帶日久氣虛下陷良效頭暈耳鳴
胛膝酸疼一切虛損服之效此性不熱不寒或煨雞豬肉食

蔓草卷之二十一

白心皮

蔓草卷之二十一



白心皮

白心皮生長沙山坡叢生細莖高尺餘附莖四葉攢生一處葉小如雞眼草葉葉間密刺長三四分自根至梢葉刺四面抱生無著手處橫根無鬚褐黑色俚醫以爲補筋骨之藥



大分
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

饒州園圃中有之葦生長條密葉如六月雪葉三四月
間開小白花圓瓣五出黃心稠密滿枝

候風藤



候風藤

候風藤南康山田塍上多有之長莖叢生高三四尺不作藤蔓
葉如木樨葉面青綠背黃白有赭紋春開白花下垂如橘柚花
長瓣五出反卷向上中突出黃蕊一簇

白花藤

三

蔓草卷之二十一



白花藤

白花藤江西廣饒極多蔓延墻垣與薜荔雜廁葉光滑如橘凌冬不凋開五瓣白花形如卮字土人無識之者按唐本草有白花藤葉似女貞莖葉無毛頗相似但白花並無形狀而蜀本又云葉有細毛亦自不同未敢合併滇南謂之山豇豆結角長幾尺色紫紅正如豇豆炒食甚香兒童嗜之

附程徵君瑤田圖荂蘭花記

嘉慶三年三月廿日立夏其明日訪荂蘭於定光寺僧寮後山花正大放此藤本花葉濃密可謂巫條而結繁矣其藤繚

曲紛亂對節生葉亦對節歧出生條開花歧條兩股或一股
生葉一股生花整齊之中復參差有致生花一股又必再出
歧條然後相對生花其生葉一股亦必再出歧條亦又相對
生花其花必小抽歧莖而生兩花去秋所見結實者總之歧
亦莖末對生兩角葉歧條歧花每出必歧如兩儀四象八卦之生生不已也其
花五出遍繞周遭而中成一孔空空如也不見心亦不見鬚
然五出同本本作一苞剝開中藏五鬚共繞一心其心蓋卽
結角生茺蘭之仁也世人以其偏繞成形如卍字故呼卍字
花而誤以爲四出又呼車輪花亦象其形也其花苞有足承

之所謂鄂不也亦五出如末利之花鄂相承然茲不畫其藤
葉畫正面五出者一又畫背面連鄂者一以爲多識之一助
云


按徵君所述並圖卽此野豇豆也花作卍字藤本濃葉其角
雙生皆與此畢肖而非茺蘭也蓋徵君前所見如羊角莢子
戴白茶者是茺蘭後詢之靈山人云俗呼卍字花不知卽此
豆因以僧寮所見謂爲茺蘭而未嘗審其葉蔓剖看其莢也
茺蘭蔓草經冬卽枯花開於夏秋

徵君自注亦以
花開時爲疑

莢折於霜

南方間有之園圃中無是物也野豇豆藤本耐寒花開於春

莢著於夏墻頭籬角無不延緣余嘗訪之江右人家多不知
其名滇人知食其實故以爲野豇豆茺蘭之名旣非野人所
知其花甚微而徵君獨索觀其花宜爲不識茺蘭者姑妄對
之矣若見北人而訪以羊角科南人而訪以婆婆針線包則
必以所知告又一種石血藤其莢長尺與茺蘭子茶同而葉
瘦硬秋時色紅如血未見其花與徵君所圖葉本圓末狹經
冬不黃落者亦非類



洋條藤

洋條藤產南贛山中蔓生細莖淡紅圓節一葉一鬚葉如鳳仙花葉而寬鋸齒亦深面綠細紋中有紫白縷一道背邊綠中紫亦有白紋俚醫以治婦科紅白崩帶同大蕨煎酒服



拉拉藤

蔓草卷之三十一

拉拉藤

拉拉藤到處有之蔓生有毛刺人衣其長至數尺糾結如亂絲
五六葉攢生一處葉間梢頭春結青實如粟 按救荒本草蓬

子菜形狀頗類雲南呼八仙草俚方用之

滇南本草八仙草味辛苦性微寒入少陽

太陰二經治脾經濕熱諸經客熱勞症筋骨疼痛走小腸經治五種熱淋利小便赤白濁玉莖疼痛退血分煩熱止小便血滑石二錢甘草一錢八仙草三錢雙果草二錢點酒少許煎服



月季

益部方物記花亘四時月一披秀寒暑不改似固常守右月季
花此花卽東方所謂四季花者翠蔓紅蒨蜀少霜雪此花得終
歲十二月輒一開 按南越筆記月貴花似荼蘼月月開故名
月貴一名記有深淺紅二色據此則月季乃月貴月記之訛宋
子京原本當是月貴也本草綱目李時珍曰月季花處處人家
多栽插之亦薔薇類也青莖長蔓硬刺葉小於薔薇而花深紅
千葉厚瓣逐月開放不結子也氣味甘溫無毒主治活血消腫
傳毒瘰癧未破用月季花頭二錢沈香五錢芫花炒三錢碎剉

入大鯽魚腹中就以魚腸封固酒水各一盞煮熟食之則愈魚
須安糞水內游死者方效此是家傳方活人多矣出談堊翁試
驗方

玫瑰

早

蔓草卷之三十一



玫瑰

敬齋古今註張祜詠薔薇花云曉風採盡燕支顆夜雨催成蜀
錦機常晝開時正明媚故鄉疑是買臣歸薔薇花正黃而此詩
專言紅蓋此花故有紅黃二種今則以黃者爲薔薇紅紫者爲
玫瑰云

羣芳譜玫瑰一名徘徊灌生細葉多刺類薔薇莖短花亦類薔
薇色淡紫青鄂黃蕊瓣末白點中有黃者稍小於紫嵩山深處
有碧色者 花史曰宋時宮中採花雜腦麝作香囊氣甚清香
花鏡玫瑰香膩馥郁愈乾愈烈每抽新條則老本易枯須速將

根旁嫩條移植別所則老本仍茂故俗呼離娘草此花之用最廣因其香美或作扇墜香囊或以糖霜同烏梅搗爛名玫瑰糖收於甕瓶內曝過經年色香不變按李時珍謂玫瑰不入藥今人有謂性熱動火氣香平肝亦非無徵



酴醾

格物總論曰酴醾花藤身青莖多刺每一類著三葉葉面光綠背翠多缺刻

羣芳譜曰一名獨步春一名百宜枝一名瓊縵帶一名雪縵絡一名沈香蜜友大朵千葉香微而清本名荼蘼一種色黃似酒故加酉字唐時寒食宴宰相用酴醾酒

佛見笑

蔓草卷之二十一



佛見笑

佛見笑茶蘼別種也大朵千瓣青跗紅萼及大放則純白

黃除藤

四

蔓草卷之三十一



黃酴醾

益部方物記人情尙奇賤白貴黃厥英畧同實寡于香右黃酴
醾蜀茶薜多白而黃者時時有之但香減於白花



縹絲花

縹絲花一名刺藤葉圓細而青花儼如玫瑰色淺紫而無香枝
萼皆有刺針每逢煮繭縹絲時花始開放故有此名二月中根
可分栽



十姊妹

花鏡十姊妹又名七姊妹花似薔薇而小千葉馨口一蓓十花
或七花故有此二名色有紅白紫淡四樣正月移栽或八九月
扦插未有不活者

木香

四

蔓草卷之二十一



木香

花鏡木香一名錦棚兒藤蔓附木葉比薔薇更細小而繁四月
初開花每穎三葉極其香甜可愛者是紫心小白花若黃花則
不香卽青心大白花者香味亦不及至若高架萬條望如香雪
亦不下於薔薇剪條扞種亦可但不易活惟攀條入土壅泥壓
護待其根長自本生枝外剪斷移栽卽活臍中糞之二年大盛
圃洎舊聞木香有二種俗說檀心者號醢醢不知何所據也京
師初無此花始禁中有數架花時民間或得之相贈遺號禁花
今則盛矣

轉子蓮



轉子蓮

轉子蓮饒州水濱有之蔓生拖引長可盈丈柔莖對節附節生
葉或發小枝一枝三葉似金櫻子葉而光無齒面綠背淡僅有
直紋枝頭開五瓣白花似海梔而大背淡紫色瓣外內皆有直
縷一道兩邊線隆起或云有毒不可服食